

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 13. Juni 2017

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Wirtschaftsminister weiderzeleeden.

De Statec mécht naturgeméiss vill statistesch Erhiewungen, an dacks kréien d'Leit och Formuläre fir auszufüllen zougeschéckt. No dem Gesetz riskéiert een souguer eng Geldstrof, wann een net op esou eng Enquête vum Statec äntwert. An deem Zesummenhank wollt ech dem Här Minister dës Froe stellen:

1. Ass dru geduecht, datt de Statec all seng Froebéi a Communicatiounen soll fir d'éischt an eiser Nationalsprouch Lëtzebuergesch eraus schécken – eventuell niewent Iwwersetzungen an eis zwou aner administrativ Sproochen?
2. Am Gesetz iwwer de Statec steet d'Méiglechkeet, Geldstrofen auszeschwätzen, wa Leit net op Froebéi äntweren. Ass d'Regierung der Meenung, datt esou eng gesetzlech Dispositioun nach ëmmer sënnvoll ass?
3. Wéi dacks sinn, zënter datt dëst Gesetz besteet, esou Strofe verhaange ginn? Wéi dacks sinn dës Strofe bezuelt ginn a wéi dacks hu Geriichter missen agräifen fir d'Geld anzedriewen?
4. Ass d'Regierung der Meenung, wann esou Stroofen da sollten hirer Meenung no méiglech bleiwen, datt eng Berufungsprozedur muss existéieren, déi deene betraffene Leit muss an all Fall erkläre ginn?
5. Wann e Ministère oder de STATEC eng Etüd un en anert Institut oder eng privat Firma weidergëtt/delegéiert, besteet dann awer d'Méiglechkeet vun enger Stroof, wann een dem Institut oder där Firma déi gefroten Äntwerten net gëtt? Wat wär heifir déi gesetzlech Basis a wéi wäeren an deem Fall d'Prozeduren?

Mat déiwem Respekt,



Fernand Kartheiser
Deputéierten